

度

支

奏

議

度支奏議邊餉司卷之四

太子太保戶部尚書滿青卑自嚴視草

題覆薊遼總督密倉軍糧分給各協疏

題爲西協空虛可虞秋防備禦宜周事邊餉司案

呈奉本部送准兵部咨該薊遼總督張鳳翼題

前事疏請密雲隆慶倉有節年扣存逃故軍月

糧二萬餘石運貯樓臺用資緩急緣繇奉

聖旨時值高秋西協一帶要害隘口亟宜厚防據奏  
增兵赴信已及六千尚需土兵犄角着兵部酌量

密倉扣存軍糧應否分給各臺戶部速議奏  
此欽遵脩咨到部送司案呈到部該臣等看得  
臺兵之設所以明烽火勤偵探邊圉之耳目係  
焉故必厚儲其餼糧庶可宿飽以守望先該臣  
部覆督臣張鳳翼稟虜不嫌多笑疏南兵每臺  
請貯餼糧五石奉有臺糧預儲數目既已酌定  
咨督撫如議行之

旨隨經臣部脩咨督撫如議遵行矣今督臣又慮臣  
部措處之艱請將密雲隆慶倉扣存節年逃故

軍糧二萬餘石每歲給五千石運貯樓臺蓋密  
鑄原有漕米十五萬石每歲用之尚有餘裕今  
出該倉之陳積爲各協之糶賑卹彼在此不煩  
轉輸而臺兵已饒有餘糧計之甚便者也所當  
亟劄餉司卽撥該倉扣存巡該軍糧二萬餘石  
每協運給五千石用備緩急俟運完日該餉司  
將發過數目冊報臣部以憑覆核開銷外餘剩  
若干仍封貯該倉以待不時之需則倉足自然  
兵精內安不難外攘矣惟是中東二協隔在薊

永道途稍遠不知轉運便否如便則幸甚矣  
便則另議區處可也既經咨會前來相應覆  
請恭候

命下臣部移文各該衙門遵奉施行

崇禎三年八月十四日具

題本月十八日奉

聖旨密倉扣存餘糧分給各協以贍臺兵餉司報數  
貯餘不得虛費轉運事宜還熟計長便行欽此

清查京卿催到舊餉完欠收放疏

題爲欽奉

上傳事邊餉司案呈崇禎三年八月初七日奉本部  
諭該

內閣述奉

上傳清查京卿錢糧大率謂催到若干用過若干此  
後有無足用作何議處要見各鎮發過若干作何  
支用以後該用若干如何接濟等因欽此口傳到  
部諭司案呈到部爲照九邊額餉關切封疆不

加綜覈之詳恐開冒濫之竇臣等持籌夙夜  
力支撐出入盈縮罔敢怠忽茲蒙

皇上焦勞

國計帷幄傳宣

天語諄諄備極周至臣等欽遵卽督新舊兩餉司并  
兩庫司官備查京卿催到新舊錢糧若干各鎮  
發過新舊兩餉并襍項支用若干有無贏餘每  
月額用若干盤算去後除新餉收放并八月分  
應發邊餉另疏奏

請外案查各鎮發過春夏二季舊餉年例銀兩已經  
臣部於本年七月內恭報崇禎三年春夏二季  
發過邊餉疏內備悉開明奉有

俞旨不敢復贅今據管太倉銀庫主事易孔贊開報  
舊餉自崇禎三年正月起到本年八月初十日  
止京卿呂維寧等分催解到銀二百八十七萬  
五千三百六十五兩內有兩淮鹽課銀六十二  
萬三百七十五兩六錢六分五厘一毫四絲八  
忽零又催到寄庫未收并漕折銀五十四萬三

千六百七十一兩九錢一分又收各省直并  
屯衛備邊荒田關稅等項共銀四萬一百四十  
二兩三錢除寄庫并借用外通共收過外解銀  
二百三十七萬一千八百三十五兩三錢一分  
零又收事例銀共一十三萬六千六百九十六  
兩又收內外捐助銀五萬一千七百一十七兩  
二錢零又收還官并借收子粒等銀六萬五千  
二百一十四兩零以上通共收過銀二百六十  
二萬五千四百六十二兩五錢零本年共發過

各邊鎮年例銀一百六十三萬一千八百七  
九兩一錢零京支并還老庫等銀四十五萬三  
千二百二十一兩一錢零軍興鹽菜并修邊工  
犒等項除去冬用過銀不係京卿所催不開外  
今共發過三十二萬五千六百九兩七錢零新  
餉借用過銀一十六萬五千兩以上共發過銀  
二百五十三萬七千四百五十八兩七錢零又  
有輕濟漕折不係太倉錢糧相應另開欸項通  
查前後收過漕折銀共三十萬八千七百三兩

九錢零放過軍興工犒等銀二萬九千八百  
十九兩四錢新餉借用過二萬兩放過米折等  
銀一十三萬二千八百四十二兩一錢零又收  
過輕濟等銀四十五萬三千四百七十兩五錢  
零放過軍興犒賞銀一萬兩腳價等銀一十九  
萬六千八百六十八兩四錢零此舊餉收放之  
大較也至商有無足用而議接濟之方竊計從  
來舊餉苦于入數之縮因而年復一年逋欠屢  
疊以至不可究詰臣自受事以來請

旨督催拮据經營勉完歲額卽精衛之願無窮而犬馬之力已竭矣蕭然帑藏苦不可支此時而欲別有搜求恐西江無益于救焚也臣請以出入之數滿盤打筭而衡量之本年春夏二季各鎮年例并一應京支等項俱已粗完卽今秋光已半輪指歲除尚餘五月應發各鎮年例銀該一百三萬二千七百五十三兩零京支廩俸并三大等營料草及布花等項約該銀四十餘萬通計五箇月約共該銀一百四十餘萬今計實在

庫銀八萬八千一百餘兩寄庫銀四十九萬  
千二百二十七兩京卿之催餉未完者共九  
十五萬一千三百三十七兩三錢汰冗員役俸薪  
工食銀約十餘萬俱未解到以上通共該解部  
銀一百五萬三百三十七兩零而崇禎三年之  
京邊尚有應徵下半年五分約銀七十餘萬除  
去壓徵一半尚該見徵一半又該解銀三十餘  
萬矣如使中外同心呼吸應手卽不甚贏餘而  
斟酌裒益聊以禦冬第恐京卿因將完而卸擔

省直諸臣因緩催以荏苒則天下事大可憂耳  
竊計

聖明在上誰無急公之心奴插交証誰無同仇之念  
惟冀各差功成於一簣撫按力督其鮮終是臣  
等所深望諸臣以救眉急亦諸臣所當早自靖  
共以濟時艱者也既經該庫查明并該司案呈  
前來相應列欵具

奏臣等不勝待

命之至

計開

京卿催數

山東催餉太僕寺少卿呂維寧

原催舊餉銀六十二萬四千六十二兩  
解到銀五十九萬一百三兩一錢

未完銀三萬三千九百五十八兩九錢

河南催餉太常寺少卿章光岳

原催舊餉銀六十五萬六千七百五十

六兩零

解到銀四十七萬一千七百三十五兩

零

未完銀一十八萬四千二十一兩零

浙江催餉太僕寺少卿蔣允儀

原催舊餉銀三十萬二千二百一十九

兩

解到銀一十五萬八千四百二兩

未完一十四萬三千八百一十七兩零

湖廣催餉太常寺少卿唐暉

原催舊餉銀二千四萬四千三百八

八兩零

解到銀一十萬五千六百八十二兩零

未完銀一十三萬八千七百六兩零

江西催餉太僕寺少卿朱大啓

原催舊餉銀八萬三千一百三十九兩

零

解到銀三萬六千九百三十二兩零

未完銀四萬六千二百七兩零

福建催餉太僕寺少卿帥衆

原催舊餉銀九萬二千九百二十一兩  
解到銀四萬九千四百九十六兩  
未完銀四萬三千四百二十五兩

廣東催餉太僕寺少卿王心一

原催舊餉銀七萬三千九百六十七兩  
解到銀七萬五千六百一十五兩

南直應安等府催餉通政司叅議沈應時  
原催舊餉銀一十三萬一千三百八十八兩

兩零

解到銀九萬八千八百四十四兩零

未完銀三萬二千五百三十六兩零

南直蘇松等府催餉太常寺少卿王夢尹

原催舊餉銀一百六十一萬七千八百

七十一兩

解到銀一百二十八萬九千二百四兩

六錢

未完銀三十二萬八千六百六十六兩

四錢

又收脩邊荒田關稅等銀四萬一百四十二兩三錢

又收內外各衙門共捐助銀五萬一千七百一十七兩二錢四毫二絲八忽  
又收事例共銀一十三萬六千六百九十六兩

又收還官并借用子粒等銀六萬五千二百一十四兩二分五厘七毫九絲

八忽

以上共收過銀二百六十二萬五千四百六十二兩五錢三分二厘三毫七絲九忽

以上京卿原催共銀三百八十二萬六千七百三兩零除未解到銀九十五萬一千三百三十七兩三錢已解到銀除寄庫并新餉借用外共收過銀二百三十三萬一千六百九十五兩

又收外解脩邊荒田開稅及事例捐  
助并還官等銀共二十九萬三千七  
百六十七兩五錢以上通共銀二萬  
六十二萬五千四百六十二兩五錢  
九邊額數

薊州鎮額該年例銀三十一萬五百五十  
三兩六錢四分二厘七毫五忽

已發過銀一十六萬九千六百兩至年  
終止尚該發銀一十四萬九百五十

三兩六錢零

密雲鎮額該年例銀二十七萬八千三百  
四兩九錢五分一厘七毫

已發過銀一十四萬四千四百兩至年  
終止尚該發銀一十三萬三千六百  
三十四兩九錢五分一厘七毫

永平鎮額該年例銀二十四萬一千九百  
六十七兩八錢五分

已發過銀一十三萬兩尚該發銀一

一萬一千九百六十七兩八錢五

昌平鎮額該年例銀一十二萬四千五百

一十六兩八錢二分二厘七毫

已發過銀六萬三千兩又兌給銀一

三百四十一兩二錢一分通共銀六

萬三千三百四十一兩二錢一分尚

該發銀五萬一千一百七十五兩六

錢一分二厘七毫

易州鎮額該年例銀十萬三千四百四

二兩七錢六分

已發過銀七萬五千兩又帶回捐助

六十三兩通共銀七萬五千六十三

兩尚該發銀二萬八千三百七十

兩七錢六分

宣府鎮額該年例銀二十九萬九千一百

五十六兩七錢

已發過銀二十四萬又扣留贓銀二千

八百七十六兩五錢九分八厘六毫

六絲通共銀二十四萬二千八百  
十六兩五錢九分八厘六毫六絲  
該發銀五萬六千二百八十兩一錢  
一厘三毫四絲

大同鎮額該年例銀四十五萬六百三十  
八兩

已發過銀三十萬二千一十一兩又  
留大同新餉銀一萬三千三十一兩  
通共銀三十一萬五千四十二兩

該發銀一十三萬五千五百九十一

兩

山西鎮額該年例銀一十七萬四千一百  
三十三兩九錢七分

已發過銀一十四萬又扣留裁省銀

萬三千九百一十三兩五錢四分五

厘通共銀一十五萬三千九百一十

三兩五錢四分五厘尚該發銀二萬

二百二十兩四錢二分五厘

延綏鎮額該年例銀四十一萬一千六百

兩一錢四分

已發過銀一十九萬一千六百六十七

兩九錢三分又帶回捐助并兌留

餉及四川協濟等銀八萬五百九十

六兩五錢八分通共銀二十七萬二

千二百六十四兩五錢一分尚該發

銀一十三萬九千三百三十五兩五

錢三分

寧夏鎮額該年例銀一十二萬八千

六兩七錢九分

已發過銀五萬五千五百二十兩

又裁省京書廩給扣留新餉兌扣

課及四川協濟等銀四萬五百四十

七兩四錢通共九萬六千六十七兩

四錢尚該發銀三萬二千一百三

九兩三錢九分

甘肅鎮額該年例銀一十八萬八百八

七兩七錢七分九厘

已發過銀六萬兩又四川協濟銀二萬  
兩通共銀八萬兩尚該發銀一十萬  
八百八十七兩七錢七分九厘

固原鎮額該年例銀一十四萬五千八百  
二十三兩九錢二分六厘

已發過銀三萬八千兩二錢又扣留薪  
餉及四川協濟等銀四萬二千九百  
三十五兩二錢尚該發銀六萬四千

八百八十八兩七錢二分六厘

下馬關額該年例銀四萬二千三百七十

二兩九錢六分

已發過銀二萬二千六百八十兩又扣

留輪助銀二千四百兩通共銀二萬

五千八十兩尚該發銀一萬七千二

百九十二兩九錢六分

以上各鎮發過年例銀一百五十九萬

三千六百二十七兩九錢六厘六毫

五絲五忽

京支并還老庫等銀共發過四十五萬  
三千二百二十一兩一錢七分六厘  
六毫七絲五忽

新餉借用過銀一十六萬五千兩

軍興等項發過銀三十二萬五千六百

九兩七錢二分二厘三毫四絲八忽

以上通共發過銀二百五十三萬七千

四百五十八兩八錢五厘六毫七絲

八忽總計收過銀二百六十二兩  
千四百六十二兩五錢三分二厘三  
毫七絲九忽內除發過銀二百五十  
三萬七千四百五十八兩八錢五厘  
六毫七絲八忽外實該見存庫銀八  
萬八千三兩七錢二分六厘七毫二  
絲一忽連前舊管一百二十五兩九  
錢四分六厘四絲八忽通共見存銀  
八萬八千一百二十九兩六錢七分

零

漕折數

收過漕折銀共三十萬八千七百三兩

九錢二分九厘七毫四絲

放過軍興工犒等銀三萬九千八百一

十九兩四錢

新餉借用銀二萬兩

放過米折等銀一十三萬二千八百四

十二兩一錢四分二厘七毫實該見

存庫銀一十一萬六千四十二兩

錢

輕濟數

收過輕濟并繳還運價等銀共四十五

萬三千四百七十兩五錢一分三厘

四毫六絲

放過軍前犒賞銀一萬兩

放過腳價等銀一十九萬六千八百六

十八兩四錢七分實該凡存庫銀二

十四萬六千六百二兩五錢

崇禎三年八月十七日具

題本月二十一日奉

聖旨查理錢糧須要款項清楚一目了然這奏內備  
解完欠後先互異收放多寡新舊牽連憑何稽核  
且今歲外解頗多支放全無裒益自輕費外項入  
項出不少贏餘豈盡明確後將何繼該司官姑不  
深究還着查算的實另疏奏來欽此

覆宣大撫賞物價虛目查勘疏

題爲差官獲

言營私據實特糾乞

勅嚴究以整奸蠹事邊餉司案呈奉本部送准兵部  
咨該本部題前事內稱准宣大總督魏雲中揭  
爲奸商謀陷撫夷鎮臣不中不休懇祈

聖明勅下撫按嚴行究處以清耗蠹事據宣大總兵  
王世忠揭報光祿寺署丞汪應乾強將茶葉抵  
補舊欠未完撫銀緣縣脩詳部院具揭到臣據

此案查四月中臣部因插賞甚急于役乏員  
光祿寺署丞汪應乾具呈請往以爲急公可嘉  
遂具題遣行就意其借新差以完舊逋奉

王命而躬市利種種不法一至是也姑勿論應乾所  
納果否堪用第問儼然啣

命而出者何事而忽作市販之行委

君命而羞

朝廷莫此爲甚况乎粗茶濫惡強人必收萬一狡吏  
實厭且憎致開厲階應乾之肉其足食耶應乾

本駟會之客既尅撫銀以納官復藉今官以  
銀銀已交納身止市口不知是何肺腸乃恨  
臣之稽查流謗造揭百計圖陷撓撫局而啓  
心宜督臣魏雲中之疏糾也除物價虛冒恭  
明旨下戶部及臣部另行查勘外伏乞

速將汪應乾

嚴勅督臣就彼拿問與歷年把持積商一併重行究  
處以爲奉差網利借款通夷者之戒如謂就  
質審議論紛紜恐市猾借口挑激起釁卽將

于犯証提解來京盡法研究其盡六十年  
亦一快事也等因素奉

聖旨商委網利作姦流謗挑釁情罪深重這本內  
應乾與歷年把持積商一千犯証着督臣差的當  
官役押解來京究問其物價虛冒該部另行查勘  
具奏欽此欽遵咨會到部送司除撫夷隸兵部者  
聽兵部具覆外所有本部撫賞物價相應具覆  
案呈到部該臣等看想一節開切夷情必  
恩威素著於邊關則忠信可行於蠻貊素查獲

茵舊賞發自內部一毫一絲皆正供也所冀經  
管官悉心料理召買需廉幹之人貨物杜雜售  
之弊而後撫事不致於釀釁今據督臣疏糾光  
祿寺署丞汪應乾瑣瑣販夫營營逐利先緣差  
欠以覓新差後借公役以完私逋且將濫惡之  
物希圖抵塞不亦辱

君命而羞

朝廷乎所謀不遂又假手於何璉趙格禮等以圖其  
心貽禍蓋不淺矣業該兵部議覆

皇上赫怒將汪應乾何澧等一千犯証解京處  
剔蠹釐奸一大快事也又奉有物價虛冒該  
另行查勘之

旨臣等仰遵

明旨細加酌議但物之不齊物之情也鑒別其精  
庶可高下其價值今各物料俱見在彼處臣部  
與樞臣終屬遙揣似不若督撫與該道目擊  
爲真也從來收買撫賞多爲貪婪委官侵沒  
地其差原緣請托而得其貨亦多濫惡不堪

撫賚之地貨物不召而自來若塞上之所有只  
宜臨時平價收買佳物猶踰於先時高價而收  
買低貨也卽有萬不容已者收買必用正途委  
用不緣干請買貨到日俱令該道親佑必求價  
值相當方許收用有不堪者卽行退出督撫間  
亦抽驗一二以防欺蔽有市恩濫收者許撫夷  
總兵官臨時從公簡舉該道亦難辭責庶清宿  
弊而杜濫觴其於

國計邊情胥攸賴矣旣經咨會前來相應覆

請恭候

命下移文各該衙門遵奉施行

崇禎三年八月二十二日具

題本月二十五日奉

聖旨朝廷撫賞貢夷須使需被實惠乃積好商委實  
緣侵冒率以紕惡充數該管官亦多濫收市恩以  
致外失夷心內褻國體釀害非小汪應乾等所買  
物料爾部既難縣斷着咨該督撫道驗估具奏以  
後務盡絕干請或和買或委買必取精好該道親

驗估收督撫亦行抽驗如有不堪經管官一  
處欽此

申明見徵壓徵則例疏

題爲申明見徵壓徵則例以昭畫一以便督催  
邊餉司案呈省直錢糧見徵壓徵向未明晰  
經移文行查多未回報相應具題案呈到部  
照省直錢糧俱係率土維正之供年徵十解例  
也不知起自何年荏苒至今沿有壓徵之名以  
致見年之催科翻了去年之宿逋葛藤不斷轉  
展支吾甚有明係見徵躲避叅罰而混稱壓徵  
以相抵者推之莫窮其端詰之莫得其底此

而欲舉去停壓之名一味併徵則難乎  
此時而欲盡徇省直之情借口壓徵則難乎  
爲

國卽就壓徵計之北土起徵本年錢糧的於本年  
春月是見徵壓徵固絕無假借者若南土錢糧  
雖云壓徵於本年多係開徵於孟冬是見徵固  
有積貯之素而壓徵亦非匝歲之淹此又不宜  
不分別於其間也茲欲見與壓曉然而

國與民兩利則惟有責成各省直撫按司府將

州縣實實落落明開某處見徵某處壓徵并  
何項見徵何項壓徵從實申報司府無按覆  
無異咨覆臣部稟題則徵收有畫一之規而  
罰無躲閃之門矣先經臣部脩咨省直節次  
催不啻頽禿舌敝查報到者河南省所屬州  
若衛輝府懷慶府汝州係壓徵開封府有祥符  
陳留杞縣西華四縣係壓徵其餘三十州縣俱  
見徵河南府有雒陽鞏縣孟津宜陽永寧嵩  
盧氏陝州八州縣係壓徵其餘六州縣俱見

汝寧府有上蔡遂平二縣係屬徵其餘  
縣俱見徵而歸德彰德南陽各府俱見徵冊  
到部山東省所屬州縣若濟南府有肥城蒲  
武定濱州歷城章丘鄒平淄川長山新城齊  
齊東濟陽禹城臨邑青城新泰萊蕪平原海  
樂陵商河利津霑化二十四州縣係屬徵其餘  
六州縣俱見徵兗州府有泗水沂州濟寧汶  
金鄉鄒縣滕縣費縣嶧縣郯城十州縣係屬  
其餘十七州縣俱見徵青州萊州登州三府

壓徵而東昌府係見徵冊報到部福建通省  
屬府州縣止金花光祿係見徵其太倉等項係  
係壓徵他若北直南直浙江江西湖廣四川廣  
東俱屢催未報正賦得恣其延緩見壓一聽其  
開報將使情者或得以藏拙而勤者或至於疲  
累是豈政體之平平又若山陝二省雖無京邊  
俱係民運一緩一急動關民瘼或見或壓事係  
軍儲近日查叅民運

功令森然所當一併移催各該省直執法秉公

爲開報以便覆覈彙題請

旨申飭以杜影射之竈以佐軍

國之計者也伏候

命下臣部移文各該撫按等衙門遵奉施行

崇禎三年九月初十日具 題本月十四日奉

聖旨錢糧積弊全在先後那移以致稽察難清叅罰  
失實這見壓二徵依議卽行各該撫按司府嚴查  
確核報部彙奏其山陝民運一體移催如有玩延  
叅來處治還立限與他欽此

覆應天撫屬增解會議舊餉款項疏

題爲會議已經

宸斷立法務在必行仰祈

聖明申飭中外同心共裕

國用事邊餉司案呈崇禎三年七月初八日戶科  
抄出應天巡撫都察院右副都御史曹文衡題  
前事奉

聖旨這奏扣解議款銀兩俟解到日照數查收仍定  
爲歲額一體考成該部知道欽此欽遵抄出到部

送司案呈到部除議欸銀兩俟解官到日照數  
查收外該臣等伏將撫臣原疏報過扣解欸數  
及移送臣部青冊逐一磨對遵照

明旨分欸立額查得應天一府上元等八縣一板木  
改折該府楞木松板原編銀三百零九兩九錢  
四分七厘除本色一半仍給發運官收買本色  
外冊報改折一半該銀一百五十四兩九錢七  
分三厘五毫一修衙銀項冊報共扣銀一百五  
十一兩七錢一牙行換帖冊報共認銀七十二

百七十四兩三錢一湊解紙續除額稻外冊報  
共該折色銀九十三兩五錢一分五厘又有江  
寧一縣自崇禎元年起至三年正月終止餘積  
稻銀四十四兩五錢六分七厘五毫應併解部  
充餉一生祠變價共計銀四百四十一兩九錢  
四分一厘以上該府共該解銀二千一百四十  
兩九錢九分七厘內除江寧縣積貯餘穀並生  
祠變價共銀四百八十六兩五錢八厘零後不  
爲例外共計每歲實該額解銀一千六百五十

四兩四錢八分八厘零應分載各縣考成彙纂  
蘇州一府太倉長吳等八州縣一停修倉廩冊  
報共扣銀八十兩一板木改折該府楞木松板  
原編銀三百五十二兩七錢八分二厘三毫除  
本色一半仍給運官收買本色外冊報改折一  
半該銀一百七十六兩三錢九分一厘一南馬  
協濟冊報共銀一萬一千七百二十四兩四錢  
一分一修衙銀項冊報共扣銀九百八十一兩  
九錢八分一牙行換帖冊報共銀一千五百兩

一吏農班價除減定各衙門承直外尚存九寸  
一名每名應追班價銀三兩六錢冊報共該銀  
三百二十七兩六錢一寺田起科冊報通共該  
陞米一百四十二石五斗一升二合六勺以每  
石王錢折筭共該銀七十一兩二錢五分六厘  
三毫一生祠變價冊報共銀二百六十七兩一  
錢稅酌徵冊報共銀七十六兩六錢三分六厘  
零以上該府共該解銀一萬五千二百五兩二  
錢七分三厘內除生祠變價銀二百六十七兩

後不爲例外共計每歲實該額解銀一萬四千  
九百三十八兩二錢七分三厘零應分載各州  
縣考成項下松江一府華亭等三縣一班軍政  
折冊報鳳陽揚州二倉共該銀一萬四千八十  
兩一停修倉廩冊報量扣銀六十兩一板木改  
折冊報原編銀四百六十六兩九錢除本色一  
半仍給發運官收買本色外改折一半該銀二  
百三十三兩四錢五分一南馬協濟冊報共該  
銀七千八百八十四兩一錢一分一修衙銀項

冊報共扣銀一百二十六兩一牙行換帖冊報  
共該銀八百兩以上共計每歲該府實該額解  
銀二萬三千一百八十三兩五錢六分應分載  
各縣考成項下常州一府武無等五縣一班軍  
政折冊報鳳陽壽州亳州三倉共該銀一萬四  
千二百兩照例折半該銀七千一百兩一南馬  
協濟冊報該銀七千四百三十一兩零六分一  
牙行換帖冊報共認銀五百兩一議革冗役除  
鎮江府另解銀七兩二錢並該府先報過銀五

十二兩四錢外冊報今仍該實扣銀五十七兩  
六錢一賈稅酌徵冊報共銀一百五十兩四錢  
三分五厘零以上該府共該解銀一萬五千三  
百三十九兩九分九厘內除門攤稅存庫銀一  
百五十兩四錢三分五厘後不爲例外共計每  
歲該府實該額解銀一萬五千八十八兩六錢  
六分四厘應分載各縣考成項下鎮江一府丹  
徒等三縣一板木改折該府共編銀一百八十  
四兩除本色一半仍給發運官收買本色外辦

報今折一半該銀九十二兩一南馬協濟冊報  
共銀一千一百五兩九錢二分二厘一修衙銀  
項冊報惟金壇縣裁省銀一十五兩一牙行換  
帖冊報共認銀一百七十兩一奏解紙贖冊報  
共該銀一百兩一議捐公費冊報共該銀二百  
九十兩一河濱灘蕩冊報共該銀七百二十九  
兩八錢一分七厘一生祠變價銀一百六十八  
兩三錢九分三厘以上該府共該銀二千六百  
七十一兩一錢三分二厘內除生祠變價銀一

百六十八兩三錢九分三厘共計每歲實該  
解銀二千五百二兩七錢三分九厘應分載各  
縣考成項下徽州一府歙休等六縣一修衙銀  
項冊報共扣銀一百二十八兩五錢二分七厘  
零一牙行換帖冊報共銀四百五十六兩一吏  
農班價冊報共該銀八十八兩三錢八分一  
祠變價冊報共銀二百三十一兩二錢二分八  
厘以上該府共該解銀九百零四兩一錢三分  
五厘內除生祠變價銀二百三十一兩二錢二

分八厘後不爲例外共計每歲實該額解銀太  
百七十二兩九錢七厘應分載各縣考成項下  
安慶一府懷桐等六縣一板木改折冊報原編  
銀一百三十八兩內除本色一半仍給發運宜  
收買本色外該折半銀六十九兩一修衙銀項  
冊報共該銀一百一十九兩九錢九分八厘一  
牙行換帖冊報酌派銀六百兩一奏解紙贖冊  
報該銀一百兩以上該府共該額解銀八百八  
十八兩九錢九分八厘應分載各縣考成項下

池州一府貴青等大縣一板木改折該府  
松板原編銀五十七兩五錢除一半仍給發運  
官收買本色外冊報該折半銀二十八兩七錢  
五分一修衙銀項冊報共銀三十兩一牙行換  
帖冊報共銀一百九兩六錢一奏解紙贖冊報  
共銀五十兩一清汰虛冒冊報共銀三十九兩  
六錢以上該府共該額解銀二百五十七兩九  
錢五分但查疏內原開池州府該銀二百九十三  
兩三錢四分八厘零今據冊內之數較之疏

中之數少銀三十五兩三錢九分八厘應令照  
數增入分載各縣考成項下寧國一府宣城等  
六縣一板木改折該府楞木松板原額銀六十  
一兩五錢除本色一半仍給發運官收買本色  
外冊報改折銀三十兩七錢五分一修衙銀項  
冊報共銀九十五兩三錢二分六厘零一牙行  
換帖冊報該銀三百二十兩一吏農班價冊報  
共銀二十兩四錢四分一議革冗役冊報共銀  
三百四十九兩一清汰虛冒冊報共銀一百一

十四兩三錢六分四厘一生祠變價冊報共  
六十三兩五錢以上該府共該解銀九百九十三  
兩三錢八分內除生祠變價銀六十三兩五  
錢後不爲例外共計每歲實該額解銀九百三  
十九兩八錢八分應分載各縣考成項下太平  
府當塗等三縣一板木改折該府楞木松板原  
編銀三十九兩一錢除本色一半仍給發運道  
收買本色外冊報改折一半該銀一十九兩五  
錢五分一修衙銀項冊報共銀一百八十兩一

牙行換帖冊報共銀八百兩一吏農班價冊報  
共銀六兩一議捐公費冊報共銀三百九十兩  
以上該府共計每歲該額解銀一千三百九十  
五兩五錢五分應分載各縣考成項下廣德州  
建平縣一停修倉廩冊報廣德州該扣銀四兩  
三錢二分二厘一板木改折原編銀九十一兩  
二錢七分除一半仍給發運官收買本色外冊  
報改折一半該銀四十五兩六錢三分五厘一  
修衙銀項冊報共該銀三十二兩一錢九分八

厘一牙行換帖冊報共銀二十七兩一錢  
費冊報共銀二百一十兩一吏農班價冊報共  
銀一十二兩一生祠變價冊報共銀二十九兩  
八錢以上該州共該銀三百六十兩九錢五分  
五厘內除生祠變價銀二十九兩八錢後不爲  
例外共計每歲該額解銀三百三十一兩一錢  
五分五厘應分載各該州縣考成項下以上該  
撫屬應天等十府廣德一州共該解銀六萬二  
千二百七十六兩四錢二分零內除生祠並積

貯餘穀變價銀一千三百九十六兩八錢六分  
五厘解後無存毋歲實該額解銀六萬一千八  
百七十九兩五錢六分四厘恭候

皇上俯賜鑒裁

命下臣部容臣等移咨該撫轉行該道檄行該府州  
縣詳分應解款項備入考成項下永爲定額係  
現徵地方者俱自崇禎三年爲始係壓徵地方  
者俱自崇禎二年爲始仍勒限起解務在十月  
以裡通完如拖延不前聽臣部及該科會叅度

功令咸式於畫一而會議有裨於軍

國也再照此一役也廷臣集思廣益臣等大馬拮  
据且屢厯

明旨再四申飭計今已逾歲矣乃報到者寥若晨星  
迄無定格獨撫臣曹文衡急公念切率屬誼勤  
悉索而至六萬有餘所投臣部冊式班班可稽  
臣等照式分發各省直勒令依冊登報且以該  
撫之黽勉風勵各省直之竊情者未必不感而  
思奮也惟是班軍改折一項原止在山東河南

及

中都留守三都司耳今松常二府扣解銀二萬餘兩原應起解鳳陽等倉而後酌量轉解者今雖與原題尚隔一層但查實係可緩錢糧各府向多置之不解今改而充餉允爲便計俟一二年後軍興稍緩再行歸還正項未晚也至於撫臣曹文衡一段苦心多方蓋計有呼輒應將伯助予自是人臣謀

國之忠臣等寔荷共舟之雅想

聖明自當別有簡注臣等又安敢蹈蔽賢之罪而不  
以併告我

君父也臣等可任悚息待

命之至

崇禎三年九月十一日具

題本月十四日奉

聖旨應天撫屬增解欵項載入考成照見徵壓徵年  
分起解俱依擬曹文衡揆剔急公殊足風勵各省  
直未報的速與行催欽此

覆易州餉司兵道節省錢糧疏

題爲謹陳節省之微誠少效綢繆之愚悃懇乞聖  
賜裁酌以重邊關以安畿甸事邊餉司案呈奉本部  
送戶科抄出保定兵備副使沈榮易州餉司員  
外郎劉象瑤奏前事內稱臣榮與臣象瑤初受  
事時見軍糧十五月之積欠惟有嚴節曠一法  
杜漏卮以補空匱耳除陸續清出曠伍銀一萬  
三千二百四十一兩四錢三分業經前按院陳  
睿謨題

請准充餉打造等費又查節曠銀一萬一千八百  
十兩二錢八分二毫查扣還銀八千七百五十三  
三兩一分二毫更以存銀積備邊之穀酌本折  
易新陳有餘羨焉計生息銀九千五百四十二  
兩七錢六分四厘五毫零共見在節息銀三萬  
一百三十五兩五分零又存節省米豆九千二  
百一十二石九斗七升二合七勺合此而議裁  
給便可當數月糧矣乘此裁給又可大修臺牆  
廢墜之工等因本年八月初七日奉

聖旨軍興不足全藉經費有法邇來各鎮積欠難稽  
補銷不便遇有調遣邊軍輒藉口呼庚莫知省計  
沈榮劉象瑤獨能節息補舊且以教匠鳩工繕邊  
製器軍以工聚餉無虛糜潔操精心種種可嘉着  
該部卽與議覆并風勵各鎮酌便做行欽此欽遵  
抄出到部送司查覈間隨該前任餉司今陞河  
南司郎中劉象瑤呈爲申明改正事崇禎二年  
七月內前直隸監察御史陳賡謨題易州道臣  
沈榮餉臣劉象瑤共節省銀一萬二千二百四

十兩零奉

旨戶部卽與覈覆隨於九月內蒙本部題覆議將八千八十三兩八錢准作閏月糧餉四千一百五十七兩准作修理城垣器甲火藥等項已經充閏修邊支用訖今沈榮會同本職具題續後節省疏內原引前按院陳睿謨題疏內舊節省銀一萬二千二百四十兩零悞寫作一萬五千二百四十兩係書辦一時偶悞相應申明以便改正奉批准查明改正入疏奉此隨該本司覆查

將前節贖銀改正明白相應具覆案呈到部  
照軍興旁午轉餉如流臣部日虞見在之不繼  
各鎮又惟舊欠之是尋內外悉索交催新舊  
連不斷臣甚咎之惟求一憂

國奉公者百方節息以補舊俾臣得一意盈縮以  
餉新邊餉何憂匱乏哉今按兵備道臣沈榮樞  
儲司官劉象瑤疏稱節省多金補舊修邊繕器  
鳩工種種取足

明綸下部臣等細詢節省之法與郎中劉象瑤面

而覆覈之除先經兩臣陸續清出贖伍銀  
二千二百四十一兩零業經前按臣陳唐謨具  
題該臣部覆

請准充閏餉打造等費不開外今又報節息銀三萬  
一百三十五兩零隨據本官揭稱其一爲節贖  
之數有清查之於未放之先逐營逐月核其實  
在多少贖伍多少然後道臣出號領餉司按實  
在因得其贖銀而扣存之亦有清查於通年既  
放之後將閏鎮兵馬錢糧滿除滿筭又解其贖

銀而扣存之其一爲扣還之數清楚於臨放之時有某營某軍逃某軍故某軍不到某馬倒損嚴責散餉各官逐月逐名續查續報而扣還之一其爲平折生息之數查本鎮舊例每年應放本色一個月皆召商辦買每米一石約用價銀兩四錢零每豆一石約用價銀錢零并墊補脚價等項常年約用二萬五千餘兩然實於軍不便也商人買而倉官收米多不堪數又不實乃軍士又有遠隔不便擔負盡爲領頭包攬或買

減價賤賣在

公家費價奢而窮軍受惠實薄象瑤與該道商  
當秋收時先與商人約米照時價不照常例  
倉日加親驗不用倉官私收於時歲不甚歉  
價額平每米一石用價八錢五分視常年可  
五錢零每豆一石用價五錢五分視常年可  
二錢五分零共收完米豆八千有零雖五方  
價低昂靡定而一時所值盈縮可通此買時  
省之法也至將放時又象瑤同該道商酌軍

原不利於米又先期與各營約有願領本色或折色者聽而各營皆願領折色矣隨照各營滿願給之人人皆得實惠不苦常年領頭包攬之害此放時節省之法也合前後新陳共得節省米豆九千二百十二石九斗零其他如每年出防各軍例用本色而實不利於本色者皆以此法行之以上共節省銀三萬一百三十五兩零見貯存庫具揭前來該臣等看得人臣居官之要必先無愆以爲本天下盛美之事必兩相得

而益章如餉臣劉象瑤與道臣沈葆不染一塵  
節省數萬誠哉其不可多得也夫逃亡事故何  
鎮茂有惟是清查不密開報不詳將領得乘機  
而影射卽令開報入冊扣除在庫餉司或任意  
而乾沒乃若造冊掛號在先軍逃馬倒在後是  
謂臨放還官無奈人情嗜利無所不至中間飽  
將領中干之囊橐抵該道之公費者亦不少矣  
獨劉象瑤與沈葆二臣其清查節曠於未放之  
先與滿除滿筭於經歲之後扣留在庫者共得

節省銀一萬一千八百四十兩零其清查事故  
兵馬於臨放之際責令該營照數還官者共得  
節省銀八千七百五十餘兩此非有真廉節真  
力量者豈能有此非常作用哉至於召買之多  
弊也商人之罔利也高擡時佑而百計以爲鑽  
營扣除常例而多方以爲掩護盛稱士卒枵腹  
挾以不得不從之勢駕言天災流行迫以不得  
不騰之價其實糧多濫惡倉無實貯則皆積商  
貪官爲之祟也象瑤獨能不厭煩瑣平價收買

於先曲體軍情便宜折給於後在初買時竊  
奇贏因已節省三分之一在支放日留抵來歲  
又可節省原價之半共得節省銀九千五百四  
十餘兩米豆九千二百一十餘石此雖餉司之  
自爲盈縮自爲樽節藉非道臣之同心或有挑  
激阻撓其間卽餉司亦何能展布其四體乎夫  
易州固畿南一小鎮也每歲京民二運錢糧不  
過二十餘萬僅當大鎮五分之一然而兩歲之  
中節省銀至四萬餘米豆亦近萬石况諸大鎮

若肯留心清覈其節省可勝道哉然則如象瑤  
者固餉司之榜樣如沈榮者又兵道之榜樣也  
所爲節省之法臣與象瑤反覆詰問覈實入

告期以風勵九邊而使人知所則勸也諒各鎮司道  
諸臣同爲臣子均思自奮誰肯俛焉處後而不  
矢心節省以自爲靖獻之地哉雖各鎮事勢不  
同或難膠柱然神而明之存乎其人耳先是保  
定撫臣解經傳題報四道節曠銀四萬兩有奇  
抵充易餉事在崇禎二年之夏已抵過秋冬二

奏爲奏請撥充

欽此

季年例銀二萬兩今該撫復題留爲新兵之費  
該鎮額餉見在議補則原題之節曠盡矣今據  
象瑤呈報任內節息銀除補完閏餉一萬三百  
二十二兩零外見存貯庫銀三萬一百三十五  
兩零應以二萬一百三十五兩零抵補崇禎三  
年未完年例以一萬兩抵補二年分未完年例  
見今找給紫荆馬水九總二年分月糧繕修邊  
牆打造軍器總如原議仍令道臣督修料理務  
期如法完日具奏則無虛糜者自有實用無欠

不補無邊不修將令足而兵強亦守堅而戰利  
矣再照餉臣劉象瑞道臣沈榮精心任事潔操  
持躬其利賴已昭著於封疆其精忠已受知於  
當宁似當於應陞職銜上各加陞一級於以風示九  
邊率先諸鎮實

聖明延異酬庸之典所不靳也既經該司道官具奏  
前來相應覆

請恭候

命下臣部遵奉施行

崇禎三年九月十三日具

題十一月十七日奉

聖旨據奏沈榮劉象瑤精籌餉務潔已裕儲一切清查扣還通融生息種種得法已有旨擢用以旌廉卓兼勵九邊其見貯節曠銀兩抵補年例月糧併修牆造器如議行該衙門知道欽此

覆舊餉歲計出入有無贏餘疏

題爲仰遵

明旨查奏舊餉有無贏餘事邊餉司案呈崇禎三年  
八月二十日奉本部送戶科抄出該本部覆兵  
部尚書梁廷棟題爲虜患方殷等事本年八月  
二十三日奉

聖旨邇雖軍興溢額催來逋賦可抵有無贏餘該部  
先行查奏至各鎮主客兵餉出入不符那欠非法  
何妨會議但須講求開節大計不得搜括煩苛徒

滋論議欽此欽遵抄出到部送司除開節大計條  
集廷臣會議另疏奏

請外其舊餉有無贏餘已經查明擬合先行覆奏案  
呈到部該臣等看得治國如治家然必以終歲  
之所費徹底料理而後或盈或歉始可先時而  
預爲之計新餉盈縮大較臣已具悉入

告矣茲以舊餉計之除本年春夏二季並七八月分  
各鎮年例一應京支等項俱已報完業於恭報  
崇禎三年發過春夏二季年例疏並按月預奏

疏欽奉

上傳疏開載已明不贅外自九月算至年終共四個月應發各鎮年例銀共七十一萬一百三十餘兩京支廩俸并三大等營料草及布花商價等項約該銀五十萬餘兩以上今歲出數通共該銀一百二十餘萬此外尚有修邊工犒及軍興等費俱係臨時請討分發今尚未能逆料項定計實在庫銀共五十萬九千八百餘兩此外京卿之催額未完者共六十二萬四千餘兩汰冗

俸薪工食并事例鈔關等銀約十餘萬兩俱未解到又崇禎三年京邊尚有應徵下半年五分約銀七十餘萬內除去壓徵一半尚該見徵一半該解銀三十萬餘兩秋冬二季鹽課未完四十四萬四千七百兩零以上通共該解部銀一百四十六萬八千七百餘兩但得中外同心呼吸應手省直之輸將不減於額中邊鎮之需求第止於額內除抵今年應發年例京支等項一百二十萬餘約可餘銀七十餘萬以備緩急之

用此舊餉有無贏餘之大較也臣所慮者止恐  
京邊一項節年原有逋負不得比於遼餉今易  
完者業將全完而難完者或終不完京卿之局  
已維省直之力隨懈預計之似屬有餘實收之  
仍苦不足又臣所爲寢食俱廢而夙夜疚心者  
也竊計開府之尊不啻卿貳之重繡斧之威不  
啻清華之專若撫按兩臣蒿目時艱赤心報  
國其於惟科一節着實舉行司府州縣誰非臣子  
未有不爭先終事者則責成不可不急也伏乞

皇上亟勅催餉未完京卿併各該巡撫及按鹽御史  
轉督藩運各司照數照限務今年終盡行解部  
以資接濟不得短少錙銖如有遲悞卽將違玩  
各官從重題叅臣部亦從重議覆庶額無不完  
而餉有餘裕矣既經該司案呈前來相應題

請恭候

命下臣部移文各該衙門遵奉施行

崇禎三年九月十四日具

題本月十八日奉

聖旨據奏舊餉歲計出入尚有贏餘然非實在空數  
何補着各該撫按照額照限完解以濟軍興欽此

覆唐少卿催解湖廣餉銀疏

題爲餉事已竣而不敢言竣微臣可行而不敢遽  
行俯罄愚忠仰祈

聖鑒事專理邊餉新餉司案呈崇禎三年八月二十  
六日奉本部送戶科抄出太常寺少卿唐暉題  
前事等因本年八月二十三日奉

聖旨這奏內催解餉銀果否如數驗收該部查核具  
奏其追補南工部協濟及帶催黔餉還着唐暉一  
併督完既奉文在後准展限竣事杜詩拮据急公

查明紀錄該部知道欽此欽遵抄出到部送司隨  
該新舊二餉司查算明白相應覆奏案呈到部  
該臣等看得楚黔唇齒連年軍興其民慣於逋  
負少卿唐暉奉

命而往加意督催通查前後解到銀兩先該臣部覆  
湖廣撫臣洪如鐘恭報京卿守催錢糧疏具悉  
開明業已奉有

俞旨矣今復奉有催解餉銀果否如數驗收該部查  
覈具奏之

旨臣等再查湖廣京邊未完銀兩通計該銀一十三萬六千七百八十六兩零今查差官麻城縣縣丞毛鑛等解過銀三萬五千三百五十一兩零并解補黃州府屬銀九千三百餘兩零於四月內解到布政司照磨劉懌解銀四萬二千九百九十九兩零於五月內到留守司斷事王文耀解銀二萬九千九百九十九兩九錢零於七月內解到黃安縣主簿張支芳解銀二萬八千四百三十四兩五錢一分零於九月內解到前項

欠數業已全完又毛鑛解金花銀一萬一千兩  
都司經歷章繼華解金花銀七千兩俱已解到  
疏中所報之數與臣部所收之數再三查核已  
自不爽至於各省直協濟該省藩工借動京邊  
銀兩先因該省未開的欠細數隨該臣部催取  
京邊細數去後今據該省藩司冊報各省直協  
濟銀兩俱奉部文止派總額並未分派各府細  
數南直隸廬鳳等五府實共未完銀一萬七千  
四百六十六兩九錢零又北直隸順永等八府

實共未完銀四千一百一十七兩七錢六分二厘福建省實共未完銀八千四百零九兩五錢零三厘又江西省除借過工部料價不開外實共未完銀一萬八百六十一兩四錢零河南省實共未完銀三百六十四兩七錢一分四厘山東省除借過工部料價不開外實共未完銀七千六十三兩五錢二分零山西省實共未完銀六百八十七兩零三分五厘以上省直協濟藩工借支太倉等項未經解補銀四萬八千九百

七十兩八錢三分三厘零先該臣部移催再四  
今始報到其福建江西河南山東山西原有藩  
司承當必有州縣坐落照數追補固無容再議  
矣其南北兩直仍當有各府分派細數而今查  
不可得是必責成各撫按轉檄各府查明確數  
一面報部一面星速催解而後可濟軍餉也又  
有南工部未完協濟銀四萬九千二百五十二  
兩零借於南者自當仍償於南原議以該省每  
年應解留工之銀扣抵轉解今該差查稱並無

應解別項止有二三年共該南京班匠銀一萬三千八百七十八兩此項見在銀兩自合扣抵前項借用之數其餘欠三萬五千三百七十四兩所當責成該省藩司照數預扣補解異日取償於南京工部可也又該省割還黔餉三十七萬八千有奇實係關寧續命之膏業已奉有

明旨着該差一併督催此則割還雖屬展轉而抵補實出正項今據該省冊報遵奉部院原議近北者解京近南者解黔其法亦善是當責成該差

并

勅撫按亟檄藩司勒限速解以完原額者也再查南  
工協濟銀兩原在催數以內惟帶催黔餉一項  
委係差後行文但念銀數頗多今復奉有展限  
竣事之

旨令無限至十一月終一總報

命蓋寬之時日庶可要厥成而於餉務亦大有裨益  
矣至若該省左布政使杜詩拮据急公既畫方  
畫圓而轉輸正供亦隨取而隨足委應優敘但

錢糧尚未通完黔餉尤資協力俟餉差完日  
一併行查移咨吏部紀錄以示風勵者也既經  
該差具題前來相應覆

請恭候

命下臣部行文各該衙門遵奉施行

崇禎三年九月十四日具

題本月十八日奉

聖旨這催到楚餉核數不爽知道了各省直藩工銀  
着該撫按嚴檄司府查明速解留工協濟扣抵如

議行黔餉既行文在後唐暉准展限十一月終

命杜詩拮据急公俟餉差通完一併查敘欽此

覆宜大按院題雲鎮屯餉失額疏

題爲謹陳九邊軍餉之數并陳年來不足之因以  
答

睿命以便區處事邊餉司案呈崇禎三年七月二十  
七日奉本部送戶科抄出直隸巡按胡良機題  
前事內稱臣始創螺紋格冊法凡各營路城堡  
衛所一兵一馬現在之年貌毛齒逃削之月日  
扣截按冊查點繇道而及微臣昭然有確數矣  
惟屯糧一節止於屯田外清出撫道功臣子粒

等地總兵等官之養廉營田等地共該徵租銀  
九千五百一十九兩零租穀等銀三千七百五  
十三石零此外無復系粟漏遺合新舊計之尚  
虧原額三十餘萬石是須秋成之後凡係有屯  
處所悉令該路糧廳無論荒熟逐段丈量因而  
議牛種因而召佃作此皆邊臣本分內責成自  
可徐觀其効等因本年七月二十五日奉

聖旨該鎮屯餉失額遂至五分之三新經清出的數  
亦無幾現議修舉屯政這荒熟田地應否逐款丈

量作何議種召徇該部詳酌來說至兵馬確數既有螺紋格冊凡應汰應補事宜還着該撫按速查具奏該衙門知道欽此又奉本部送戶科抄出大同巡撫張宗衡會題前事奉

聖旨已有旨了該部知道欽此案查先該直隸巡按葉成章於崇禎二年五月十二日題前事奉

聖旨據奏該鎮本折額餉數逾往時只因年來積欠致乏然朕查客兵一項邇年原無調發及崇禎元年京運比前解發獨多何故動稱缺餉屯糧原額

五十餘萬止存一十一萬歷年清聖何事該部科  
確看來說前有旨但查虛兵不汰實兵着巡按御  
史確查缺伍倒損冒支的數宜挨營點閱覈實詳  
聞乃只據成數奏報虛冒何時得清葉成章還會  
同張宗衡速遵前旨親行查閱再奏不得支飾取  
罪該部院知道欽此又該大同巡撫張宗衡會題

前事奉

聖旨已有旨了該部院知道欽此隨該本部移會督  
撫并各巡按御史查勘去後續奉本部送戶科

抄出陝西巡按吳煥題同前事內開延寧固三  
鎮共應節省折色銀一萬八千四十六兩零本  
色糧料八千八百三十二石零草三萬六千六  
百二十四束卽有見在之節省止可留補本鎮  
之匱乏等因又該陝西三邊總督楊鶴會題前  
事俱奉

聖旨該部知道欽此欽遵通抄到部通送到司除大  
同兵馬確數復經本司呈堂移文該撫按速查  
具奏外其丈量田地并議種召佃及延寧固三

鎮裁節銀兩粟穀等項相應并覆案呈到部  
臣等看得核兵求以祛虛冒清屯求以杜影占  
足兵足食之計只此兩端盡之矣先該按臣葉  
成章覆奏宜鎮兵馬錢糧增減之數前後軍屯  
多寡之殊續奉

明旨確查缺伍倒損冒支的數宜挨營點閱核實計  
聞乃只據成數

奏報虛冒何時得清葉成章還會張宗衡速遵前  
旨親行查閱再奏臣等欽遵隨卽移咨都察院轉行

該巡按御史去後今據直隸按臣胡良機覆奏  
該鎮屯額并清出田地的數又奉有該部詳酌  
來說之

旨臣等按疏較勘據冊翻閱該鎮屯糧案查

國初原額五十一萬三千九百四石五斗五升正  
統以前原額不變迨天順以後地畝屯糧并用  
地糧頓減至十萬九千八百七十石節經

累代清查亦有丈出還官者總不過一十一萬一千  
一百三十二石五斗五升零卽今按臣督率各

屬彈力清查悉心搜剔清出撫道功臣子粒等  
地與總兵等官養廉地止徵租銀共九千五百  
一十九兩零粟穀等糧三千七百二十三石零  
爲數亦自無幾查該鎮屯餉失額遂至五分之  
三按臣疏稱東自新平以及助馬平虜循牆而  
走一望荒原芊芊茂草及稱豐州歸化所失舊  
疆固自不少卽沿邊土垣築於嘉靖年間自牆  
外以至山根無非閒曠則失額之故可思而屯  
政修舉今日似不容緩矣按臣議秋成後凡係

有屯處所不論荒熟田土掄委該路糧官沿坵履畝逐段丈量分別軍民四至界址核定頃畝造成圖冊轉呈撫按覆核清楚具冊報部以憑酌量起徵務期軍民兩利是真屯政育務所當亟舉以觀厥成者也至於議種召佃又必固地之宜隨民之便而斟酌之合聽撫按責成各屬悉心籌理詳議妥確具奏再容臣部覆加酌議題

請則行之無碍自可垂之永久矣又查陝西巡按吳

煥會同督臣楊鶴疏報延綏鎮清汰通應減額

軍共一千七百一十六員名馬廐六百六十六

匹頭共應節省本色糧料四千四百三十石零

折色銀一萬三千九百五十兩零見在官軍家

丁四萬七千四百六十九員名馬廐駝二萬一

千五百五十九匹頭隻并班操及五歲兩閏每

年應支本色糧料一十九萬一千四百六十三

石零草九百束折色銀五十四萬四千四百六

十四兩零寧夏鎮清汰通應減官軍五百四十

名馬駝二百一匹隻共應節省折色銀一千九百四十四兩本色糧料四千三百三十二石零本色草三萬六千六百二十四束見在官軍家丁及孤老三萬一千六百三十員名馬羸駝一萬一百九十五匹頭隻并牛贖墩夜備禦官軍糴買本色每年應支折色銀一十六萬九千七百五十兩零本色糧料二十七萬九千四百二十石零草一百二十六萬三千一百一十五束固原鎮除臨鞏洮岷靖虜守巡隴右共五道原係

河西巡按御史分管聽另查冊報又西安漢中  
寧河鳳翔各衛所俱係腹裏例不閱視不造外  
所有固原分守河西分巡關西三道屬兵餉清  
汰過應減官軍家丁三百九十一員名馬三十  
匹應節省京民運銀二千一百五十二兩零屯  
運糧六十九石見在官軍二萬一千七百五十  
七員名內除平涼衛中所正千戶火熒無俸新  
軍王平等二百七名無糧外該支糧官軍二萬  
一千五百四十九員名馬歲駝驢牛九千六百

三匹頭隻外防秋提塘墩夜八百七十八名馬  
一百七十四匹并客兵官軍馬廐每年應支折  
色銀一十二萬七千四百七十兩零本色糧料  
六萬八百五十三石零草八十萬二千七百二  
十九束以上三鎮通共清汰過應減官軍二千  
六百四十七員名馬廐駝八百九十八匹頭隻  
共應節省折色銀一萬八千四十六兩零本色  
糧料八千八百三十二石零草三萬六千六百  
二十四束並大同鎮所開報清出租銀共九千

五百一十九兩有奇粟穀等糧三千七百二十一  
三石零卽於各鎮之匱乏當補然於部發之年  
例應除若開報之數止存虛名而節省之銀未  
獲實用雖報猶未報也相應行文各該撫按并  
劄各餉司備查裁省銀兩延縣鎮一萬三千九  
百五十兩零寧夏鎮一千九百四十四兩固原  
鎮二千一百五十二兩零大同鎮九千五百  
十九兩零照數扣抵各鎮應發年例銀兩其延  
寧固三鎮所報節省本色糧料八千八百三十

二石零并大同鎮所報節省粟穀等糧三千七百二十三石零另行儲蓄以備緩急之用仍將扣抵存積數目責令各該餉司申報臣部以便開銷庶清一分邊鎮受一分之賜而臣部亦得藉手以資軍餉於萬一矣既各具題前來相應覆

請恭候

命下臣部移文各該衙門遵奉施行

崇禎三年九月十六日具

題本月二十日奉

聖旨修屯核兵最關邊計雲鎮屯餉失額至五分之  
三清墾誠不容緩但丈量召佃必綜理得宜軍民  
兩便方垂永利還着該撫按嚴檄各屬悉心籌畫  
確有成緒報部具奏其清出屯租及延寧固三鎮  
節省等銀照數扣抵年例穀粟糧料另儲以備緩  
急仍令各餉司具數申報以便開銷俱如議行欽  
此

覆山西宋撫院清查元二三年額餉疏

題爲追敘三關兵亂之繇并今怨望不堪之狀以  
祈

聖鑒事邊餉司案呈崇禎三年九月十七日奉本部  
送戶科抄出山西巡撫宋統殷題前事內稱臣  
初入代境准餉司蘇夢龍手書云三關兵糧今  
方放至元年八月奉本部堂劄將前撫裁過京  
運六萬餘兩不發而各軍執稱役過之糧必欲  
補支又近奉督撫明文將前撫題裁之兵盡數

召補兵還糧去勢在兩難到臣又兵部督臣屢  
咨皆稱教目勾奴要從宜府入犯該鎮整兵以  
待是調援一事勢必不免而鎮臣王國樑告稱  
軍情反側又以缺餉太多極難控馭伏乞

勅下戶兵二部將三關原有年例查照前撫臣耿如  
杞題裁之數兵旣召補餉自宜還原所議抵襍  
項等銀應否可抵年例仍將逋欠月餉速行補  
發等因本年九月十五日奉

聖旨三關兵糧何故至今纔放至元年八月着該部

卽將發過餉銀時日數目行該督撫與餉司磨對  
明悉仍將遞欠緣繇根查具奏這本內補兵額餉  
議抵年例及補發舊欠著戶兵二部速行確議具  
覆欽此又奉本部送戶科抄出宣大總督魏雲東  
題同前事奉

聖旨已有旨了該部知道欽此欽遵通抄到部送司  
案呈到部該臣等看得人情一日不再食則饑  
矧荷戈介士憂深鋒鏑不爲推食解衣而致令  
啼饑號寒亦臣部之所惻然而靡寧者也案奉

山西鎮額餉每年該銀二十萬六千三百兩  
自受事以來多方催趲亟欲照數全完少爲補  
苴之計無奈物力有限未暢圓滿之懷今該撫  
臣宋統殷會同督臣魏雲中合疏請還三關年  
例奉

旨着臣部將發過餉銀時日數目行該督撫與餉司  
磨對明悉仍將遞欠緣繇根查具奏臣等謹以  
崇禎元二年并三年所發之時日數目逐項查  
明爲

皇上陳之崇禎元年分原額銀二十萬六千三百兩  
但臣以八月內到任查二月初三日本部主事  
薛國彥領銀三千兩三月初九日委官解聖學  
領銀七千兩四月十四日委官解聖學領銀一  
萬兩五月十六日本部主事萬民懋領銀二千  
兩臣到任後卽竭蹶料理八月十八日委官劉  
陞等領銀二萬兩十一月十七日本部簡較薛  
瑞清領銀三千兩二十八日委官黃猷領銀一  
萬兩十二月二十二日委官黃猷領銀一萬兩

二十九日委官王孟祥領銀二萬兩二年正月  
二十二日委官王孟祥領元年年例銀一萬兩  
二十八日委官王孟祥領元年年例銀一萬伍  
千兩又扣留贓罰共銀一萬六百兩裁掣京書  
庫給共銀三百四十七兩七錢積穀變價利息  
銀四千兩以上共扣發過銀一十二萬四千九  
百四十七兩七錢尚欠銀八萬一千三百五十  
二兩三錢二年分因撫臣耿如杞裁扣逃亡事  
故兵馬節省銀六萬六千一百三十二兩六分

又汰冗官冗役疏內扣抵銀一萬三千九百一十三兩五錢四分五厘以七月分

旨下之日爲始共該扣銀六千九百五十六兩七錢七分二厘零實該本鎮年例銀一十三萬三千二百一十一兩一錢六分零二月十九日都察院照磨張道澤領銀一萬兩二十一日委官黃猷領銀一萬兩三月初三日委官黃猷領銀一萬兩四月初七日委官黃猷領銀一萬兩閏四月十五日中書吳日杲領銀一萬兩七月初五

日委官王孟祥領銀二萬三千兩八月十二日  
委官黃猷領銀一萬兩九月初四日中書李若  
潤領銀一萬二千兩十月二十三日光祿寺署  
丞王象壯領銀一萬兩又扣留裁掣京書廩給  
銀二百三十二兩以上共扣發過銀十萬五千  
二百三十二兩尚欠銀二萬七千九百七十九  
兩一錢六分零先是該撫又有以晉餉晉之疏  
不知曾措發過若干則臣部未之知也三年分  
案查該撫原報節省銀六萬六千一百三十二

兩六分因奉

明旨招兵補伍臣部止議抵一半實該銀一十  
萬三千二百三十三兩九錢七分二月十六日  
委官王孟祥領銀二萬兩三月十一日主事李  
士元領銀一萬兩十二日委官劉有聲領銀一  
萬五千兩四月十四日中書董繼舒領銀三萬  
兩四月三十日本部照磨萬鍊領銀一萬兩五  
月二十七日委官黃猷領銀一萬五千兩六月  
二十二日委官王孟祥領銀一萬兩七月初

日委官王孟祥領銀一萬兩八月初發  
卹其昌領銀二萬兩九月十一日委官黃猷領  
銀一萬兩又扣留汰冗俸薪工食銀一萬三千  
九百一十三兩五錢四分五厘以上共扣發  
銀一十六萬三千九百一十三兩五錢四分五  
厘未完不及萬兩之數見在查發以上有解  
可憑有年月日時可考又有該鎮餉司實收  
報臣部簡明文冊具在惟是臣部兵餉既以  
興煩費不能全完而該撫所稱以著餉

亦以身去而多逋欠此則壓欠二年之繇也再  
查該鎮節曠銀六萬六千一百三十二兩六分  
查係崇禎二年八月內撫臣耿如杞題報充餉  
之數今歲流寇出沒臣部止半扣前銀餘仍解  
於該鎮又該撫題報裁汰冗官冗役俸薪工食  
銀除抵

瑞府贍田外共銀一萬三千九百一十三兩五錢  
四分五厘又崇禎元二三年裁掣京書廩給并  
撫按題留贍罰及積穀變價利息銀共一萬五

千一百七十九兩七錢俱以庫貯見銀抵充  
發年例而疏乃云有名無實此必問之撫按  
司當自有不容掩者耳但臣前此猶不忍以裁  
省之後拘數全扣今又何敢於補兵之日吝此  
半扣如果精銳補足於行間則前此節曠銀六  
萬六千一百三十二兩六分自應盡數還之亦  
鎮以充補足之餉當自今年爲始不敢拘於舊  
額者也至於迭欠一節先時猶苦不足於今歲  
得有餘但以臣部之見發而止供裁欠之舊數

則內外科纏何日是了先該臣部題議通融補給之法其逋欠在一年外者除月支外每兩季多發一月逋欠在一年內者除月支外每一年補發一月新奉

俞旨今方咨行各鎮則該鎮之迭欠所當一體遵行又無容再計者也恭候

命下臣部移文督撫衙門遵奉施行

崇禎三年十月初十日具

題本月十四日奉

聖旨這奏解過山西元二三年額餉時日數目歷歷  
可據但內解既多壓欠外扣又無關會言有言無  
何時清楚着管餉部科通行查核至節曠銀兩半  
留抵餉今額兵旣復便應照數還他迭欠依新議  
條例按歲月帶補該鎮亦不得以新作舊致難並  
發牽纏不了該衙門知道欽此

覆福建道孫御史條議違餉疏

題爲驚心瓶罄深切壘憂仰祈蚤決

廟籌免致臨襟慮肘事違餉司案呈崇禎三年九月  
十三日奉本部送戶科抄出福建道試御史孫  
徵蘭題前事原餉之四可查外解之二可懲事  
例之兩可廣等因本年九月十二日奉

聖旨這條奏額餉四可查及外欠徵不解解不納甚  
切時弊着該部便詳酌稽核規則來看事例二款  
一併議覆該部知道欽此欽遵抄出到部送司案

呈到部該臣等看得錢糧之出納綜覈宜精事例之招徠闢途宜廣臣部節奉

欽依清兵核餉并催外解之法不啻三令五申而尺籍終混於邊陲額解又稽於外府則以法制未詳而內外諸臣或奉行不力耳今據臺臣孫徵蘭疏內開山餉之可查者有四入餉之可懲者有二而事例二款欲以信銓法而廣虛銜此皆剔弊之窾綖救時之藥石所以爲臣部軍興慮者至深長矣奉有着該部便詳酌稽核規則來

有事例二款一併議覆之

旨臣謹按原疏而詳酌之一謂薊鎮餉額可查大都謂薊門舊餉兵三萬九千三百有奇近雖盛兵四集據報亦止三萬五千耳不知昔者兵多而餉額何以不缺今者兵少而餉額何以反欠也臣據餉司蔣範化冊報薊鎮舊兵見額一萬七千七百零九員名新兵見額二萬七千三百九十四員名援兵見在薊鎮計四萬五千二十三員名援兵原以坐糧又添行糧鎮兵或除舊餉

而食新餉臣部見題規則式之以經制簡明限之以按月

奏報而總責成於督撫按道

明古森如疇敢不以清核應第恐清核不實終歸虛著耳是必一洗積習而上之以報

君父者下之卽以對衾影帑上之兵馬卽營中之兵馬俾影射侵漁之弊可以漸次滌除則額餉清矣一謂宣鎮節曠可查大都謂宣鎮昨冬所調入衛之兵今夏本鎮補伍尚未及三分之一卽

此鎮而他鎮可知不知補之此者已開糧於此而未及補於彼者何以不見除糧於彼臣查宣兵入衛旋逃日久尚多未補坐糧間亦隨調竟潰究將何歸夫當日宣軍逃潰誰不共知迨後日計口授糧誰爲關領想亦必有扣存在庫者或覈實未確因

奏報有待耳且舉一宣而各鎮之類宣者不少也是必徹底清出不啻自身之肥瘠凡係在逃扣貯絲毫入

告其隱匿不報者罪無赦一鎮如此各鎮皆然無  
爲尾閼漏卮而不可問則節曠饒矣一謂各邊  
積欠可查大都謂部發者俱近日見餉而邊所  
領者祇以補往年欠額故見支之費不見

朝廷之恩而積欠之名不免邊軍之怨臣查各鎮之  
有迭欠所從來久矣臣部所殫力而圖者見年  
之額也其切心而慮者從前之欠也但以欠在  
數年而欲取償一時臣力有所未逮耳然役過  
之餉亦烏容不補也第時詘不得舉贏補給自

合有法臣近請逋欠在一年外者每兩季多發  
一月逋欠在一年內者每一年多發一月此正  
不必外求也如兵餉清楚則稽核節曠之中卽  
饒通融補給之蓄縱不能一補盡補抑可漸補  
漸完矣此又以通爲補之一法也一謂舊遼營  
屯可查大都謂全遼舊餉大半原屬營田今關  
外曠野無際戰兵固不可耕而後食守兵獨不  
可以兵而兼農乎臣查

祖宗朝以屯養軍自屯政廢始藉民力以養軍而民

病軍亦病矣查天啓六年十二月內奏請  
遼時曾請銀作屯本任趙率教身先耕稼彼時  
頗有所獲未幾屯本化爲烏有屯利不知何在  
今且前功盡棄矣前項官田歸於何地所當責  
成遼撫徹底清查相機修復以收屯政之効者  
也至若各省外解之徵久而不解解久而不納  
也其故可思也徵久而不解者繇於司府之取  
借而挹彼以注茲解久而不納者繇於解委之  
浸漁而執母以催子雖屢經申飭而弊難盡除

若嚴叅罰之法則那借之風自止治違限之罪  
則營運之弊漸清不求索於額之外而務覈於  
額之中今而後庶無敢攬延以千三尺者而積  
玩其有謬矣又若事例之有援先是至部所開  
其欲速之念鼓其急公之圖爲數年自無  
多積之儘可充餉近見銓部題擬似欲停罷此  
項以蘇積薪但從前輸納者不無失信於人而  
事例且從此愈稀矣臺臣所陳不爲無見如欲  
於示信銓法中少寓補助詘乏之意實爲便計

顧事隸吏部又非臣部所敢過而問耳又若舉  
例之虛授遙銜亦臣部所開也因其競名之想  
動其捐資之心而臺臣又欲因而推廣之俾人  
子藉以奉其親富民藉以榮其身其誰不勉焉  
今照臣部原題事例內監儒遙授職銜贖列甚  
詳又聞軍民俊秀子弟願納遙授營繕所所正  
副兵馬納銀一百五十兩光祿寺署丞京衛經  
歷納銀一百三十兩上林苑監署丞納銀一百  
二十兩營繕所所副納銀一百一十兩光祿寺

監事納銀一百兩京府經歷知事鴻臚寺署丞  
納銀九十兩願就儒官名色納銀四十兩禮部  
衣巾儒士納銀二十五兩各儒學生員年老願  
納選授訓導職銜廩膳增廣納銀三十兩附學  
納銀五十兩省祭八年以上納選授各府經歷  
布政司照磨原以正八品出身納銀三十兩從  
八品出身納銀三十五兩正九品出身納銀四  
十兩從九品并雜職出身納銀四十五兩如省  
祭止五年各加銀十兩若三考已滿未省祭者

各加銀二十兩如在外候缺農民一二三考未  
滿吏願納冠帶不出仕農民納銀四十兩一考  
三十兩二考二十兩已撥辦事納銀十五兩見  
役當該納銀十兩此向來遙授之事例也但親  
至京邸者多不屑納此虛銜而僻居下里者又  
不願匍匐長安不如許令原籍上納在各省縣  
府轉文布政司在直隸縣州縣轉文本府各照  
例上納季終解銀赴部俟銀到口臣部移咨吏  
部彙題給劄准免雜泛差徭旣無跋跣轉折之

苦旋有銜名冠帶之榮此雖臣部原行事例有  
臺臣擴充新例許令原籍上納而招徠當愈廣  
矣如是則錢糧出納備極綜覈之精事例通行  
又極開導之法其於餉務庶大有裨益哉旣經  
具題前來相應覆

請恭候

命下臣部移文各該衙門遵奉施行等因崇禎三年

十月十五日具

題本月十九日奉

聖旨這查額餉節曠三項已有屢旨責成着該督撫  
道與部科着實清稽內解在完新補舊外解在禁  
那移嚴納限至關外屯田倭興倭廢所請屯本有  
無存貯墾熟官田見歸何處着遼撫丘禾嘉逐一  
嚴查相機脩復俱依議事例二項還移會吏部酌  
議妥確行

題覆邊工太監議烽軍臺正副增餉疏

題爲目擊時艱敬陳末議仰祈

嚴勅預圖以重封疆事邊餉司案呈崇禎三年八月  
二十二日奉本部送戶科抄出該提督邊工總  
馬監太監王應朝題前事本年八月二十日奉  
聖旨據奏東中諸隘烹兵火器馬匹等項尚無實值  
該鎮各官所管何事秋防倍宜戒嚴豈容怠玩至  
此着該督撫一一查明速奏至月餉臺糧應否盡  
一增補該部即與酌覆欽此又奉本部送戶科

出邊工御史張茂梧題爲微臣謹陳管見  
以祈

聖鑒以備採擇事內糧糈宜議一款稱臺兵之勞  
哨兵之入冗在承平之日尚可望仰給俯資  
搶攘之秋何堪此桂薪珠米倘不議加其月  
將見走利如驚招之自見其難畏險如敵散之  
日見其易也等因奉

聖旨三協邊備日弛總縣督撫鎮道漫無經理以致  
人器不習哨守全虛商民出入莫稽成制蕩廢

盡這所奏各款有裨飭備著該部即與議覆欽此  
欽遵通抄到部送司除火器馬匹等款合聽兵  
工二部具覆并咨會督撫查奏外案查先該本  
部覆薊遼總督張鳳翼西協空虚可虞疏奉

聖旨密倉扣存餘糧分給各協以贍臺兵餉司報數  
貯餘不得虛費轉運事宜還熟計長便行欽此隨  
該本部移咨督撫備查臺兵月餉厚薄數目并  
議東中二協運糧腳價去後今於十月十八日  
奉本部送准該總督張鳳翼咨稱准本部咨前

事查得薊鎮三協沿邊有樓臺有烽臺其樓臺  
每名酌量衝緩額設臺兵或四五名或六七名  
不等每名月糧一兩五錢百總外加三錢乃召  
募之南人烽臺每臺額設烽軍五名每名月糧  
上半年給七錢下半年給四錢五分乃僉發之  
祖軍其樓臺內又有臺正副亦係祖軍其糧亦  
與烽臺軍等此正貴部所去軍兵之殊故有多  
寡之異也夫南兵月給一兩五錢糧已厚矣無  
可議加惟烽軍先年設立之時因係祖籍故雖

糧薄戀土難移自不得不死守信地乃今殘破  
後尺籍淪亡無從勾補故不得不召募土著以  
補額况各軍瞭哨支更比臺兵更苦而月糧反  
不足臺兵之半當此米珠薪桂之時孰肯舍重  
以就輕故隨補隨逃縮手無計此所以有加增  
月糧之議也至於所儲本色一節原不在月餉  
之內查萬曆年間每臺備米十石名曰餼糧以  
備緩急之用年久支銷殆盡東西兩協雖間有  
存者而中協被虜後焚掠無餘昨本部院題以

密鎮故軍之米抵補前項蓋欲使緩急有恃以固吾圉耳西協地近可令臺兵自取中東窻遠恐費腳價不啻或於薊永漕糧內各多發伍千石亦聽各兵自取而密鎮少運一萬石抵之前數是亦兩便之計也又准薊撫劉可訓咨亦爲前事到部送司通行案呈到部該臣等看得保塞之法瞭望烽火爲第一義則士卒之乘障者必加體卹優厚而後可得其用命此邊工本監王應朝所以請增臺糧而御史張茂梧亦以

爲言者也臣部未履其地勢難遑度即移文與督撫商之續得回文燦若指掌乃可據以斟酌裒益矣塞上之臺有二一日樓臺每臺設兵或四五名或六七名不等酌衝緩爲多寡每名月糧一兩五錢百總春秋兩防共八個月各加三錢其潘家口設居境外每月百總臺兵各加行糧米四斗五升此係召募浙人所謂南兵者也一日烽臺每臺額軍五名每名月糧上半年七錢下半年四錢五分此係僉發祖軍專管傳烽

者也又樓臺上仍有臺正副二名亦係祖軍舊糧與烽軍等大都臺兵糧厚無可議加烽軍瞭望支更最爲艱辛而臺正副尤與臺兵共患難同甘苦者乃餉不及臺兵之半安得不望澤而希恩也中協殘破之後殺掠無遺勾補既難地當危險人不樂就此所以有臺兵加糧之說而非爲臺兵起見者也查薊鎮餉司冊內烽軍俱上半年大月每軍折銀七錢下半年小月每軍銀四錢五分春防秋防各兩月每日加口糧

米一升今議烽軍月餉以折色一兩爲率大月  
加三錢小月加五錢五分較之薙兵可當三分  
之二春防秋防加給口糧悉仍其舊其臺兵正  
副聞近亦以南人充之其餉似當比於臺兵以  
上加糧軍丁俱須遴選精壯而毋以老弱者充  
之則餉與人適相當矣其加增月餉姑於節贖  
內通融給發如果不敷臣部另行覓補此則薙  
密永三鎮所當一體增益以重邊防而別鎮不  
得援以爲例者也若夫臺兵預儲本色一議原

在本等月餉之外昔年總理戚繼光每臺貯銀糧十石以備不虞年來月餉不敷蠶食殆盡一當腐敝枵腹難支邇來條議邊事者多有臺兵儲糧之議先是督臣張鳳翼因密雲本色有餘題奉

明旨欲每協各發五千石酌盈濟虛不煩措處亦蓋臣之極思也密鎮咫尺西協可令臺兵自取中東二協寫遠所費腳價不啻督臣近議於薊永漕糧內各多運五千石亦聽臺兵自取明年於

密雲邊糧十五萬內即少運一萬石扣抵前數  
此時籌邊飽士至計如議速行蘄永不拘漕糧  
召買每鎮各發伍千石分給臺兵儲而不動以  
備緩急之用其原貯餵糧有日久花費者亦宜  
設法清查扣作壓欠之餉亦可免於混淆不明  
榮枯不均之弊也既經督撫備咨前來相應覆

請恭候

命下臣部移文督撫衙門遵奉施行

崇禎三年十月二十五日具

題本月二十七日奉

聖旨這烽軍既屬募補并樓臺正副各准如數增補  
着於節贖銀內通融支發薊密永三鎮一體他鎮  
不得援例臺兵預儲本色移給扣抵俱依議疏內  
臺字錯寫名字改正行欽此

題覆昌鎮樞臣酌議營制額餉疏

題爲遵

旨具奏事邊餉司案呈崇禎三年十月初五日奉本部送戶科抄出督理昌鎮軍務兵部右侍郎侯恂題前事內稱昌平舊兵額餉最薄查督撫諸臣批允加糧六百餘石誠有見於餉厚則兵精與其以贏卒充數不如選鋒之爲得耳近據通鎮亦有家丁之議合無照例將缺額之未補者准作雙糧責令該鎮收羅壯勇以備衝鋒

敵之選斯亦化虛爲實轉弱爲強之一着也

因本年十月初四日奉

聖旨邊防積弊積玩法宜振剔更新前報昌兵缺額千餘有旨再查確數今但云嚴爲禁約未見作何綜稽至巡邏雜差占役太多著一併詳加裁覈具奏內有官吏婦女及廩生孤貧等項名色還明白奏來其見在操練的倍宜訓飭務成勁旅各鎮經制一體選兵量加優厚缺兵補作雙糧是否妥便着該部酌覆候恂因病回奏踰期知道了該衙門

知道欽此欽遵抄出到部送司案呈到部該臣等  
看得督治昌鎮樞臣侯恂募兵五千加意訓練  
以爲

陵寢之捍衛以爲

神京之藩屏又將昌鎮舊兵逐一查核除陵監巡  
邏公差雜項及先年裁汰并節年逃故外見操  
五營三路通計一萬三千六百四十七名而在  
昌鎮城中實止六千六百一十二名督臣加意  
挑選精壯兵得五千名欲與新兵別營操演務

期旌旗生色壁壘改觀此誠籌邊固圉之極也又查出缺額軍丁一千五十七名擬做昔年督撫諸臣批允加糧六百餘石之例欲行免補准作雙糧責令該鎮收羅壯勇以備衝鋒破敵之選

聖明鄭重仍令臣部酌覆夫兵貴精而不貴多古志之矣向因承平積久武備罔修建兒未足於行聞兵數徒侈于紙上卽虛糜糧糈而象人象馬將焉用之矧昌鎮逼近

陵寢最爲重地必得桓桓赴赴之侶而後可恃以禦  
恐古稱兵無選鋒者此得十老弱之兵不如得  
一驍健之兵卽改單糧爲雙糧化無用爲有用  
是在督臣鎮臣體

國同心大加整頓以爲桑土綢繆之計已耳抑臣  
猶有說焉京軍每月支糧一石間有支給雙糧  
每月二石者爲選鋒又有每月支給一石五斗  
者爲壯丁今昌鎮既有節贖空糧一千五十七  
名若倣

京師選鋒之制則加給千人可也若倣

京師壯丁之制則加給二千人亦可也以增餉示  
醪續之殊恩而以斟酌示鼓舞之妙用儻亦化  
虛爲實轉弱爲強之良策乎既經督臣具題前  
來相應覆

請恭候

命下移咨督治樞臣將前缺額兵一千餘名與鎮臣  
酌議於選鋒壯丁之間酌立規則加給各兵其  
收過兵數定過規則仍令明白開報臣部以脩

查考則所裨於

陵寢重地者匪淺鮮矣

崇禎三年十月二十七日具

題本月二十九日奉

聖旨營制額餉目今正在清釐這奏內事宜還着兵部咨該督鎮詳加商確酌妥具奏欽此

覆寧夏耿撫臺請餉疏

題爲遵旨調發入衛官兵以淨奴氛以紓

聖慮事邊餉司案呈崇禎三年九月二十九日奉本部送戶科抄出寧夏巡撫耿好仁奏前事內稱寧夏彈丸絕塞每年除本色屯監二糧供軍外其折色俱資給於京民兩運而拖欠且各至數十萬頃者三次發兵一千八百有奇安家行糧等銀皆等候兩運解至而後啓行所以不能速發早至則本鎮錢糧有無之大較可覩矣等因

本年九月二十八日奉

聖旨寧鎮援兵廩糧俱動軍餉知道了本內京民兩  
運各欠至數十萬是何緣故着查明具奏該部知  
道欽此欽遵抄出到部送司案呈到部爲照邊圉  
士馬惟賴京民二運供億故發必照額解必及  
時庶足資飽騰而壯敵愾比歲

國用浩繁人情習玩京邊正供外解愆期所入不  
足以供所出而京運欠容省邊糧係本地方爲  
政借口災荒彈射不及而民運欠臣自受事以

來拮据催趲日夜經營僅可年支一年而幾竭  
之物力終日有限繇來之風連填補無窮蓋  
目腐心者久矣試查寧夏鎮近年之餉除民運  
原繇陝西督撫自行催徵外及查該鎮額該銀  
例銀一十三萬三千七百九十五兩二錢五分  
崇禎元年分臣部發過銀九萬六千兩又扣兌  
小池鹽課銀一萬三千二百四十二兩扣留  
皇賞銀二千八十八兩京書廩給銀四十七兩共給  
發扣過銀一十一萬一千三百七十七兩未發

銀二萬二千四百一十八兩二錢五分崇禎  
年分除巡撫題報節省銀五千五百八十八兩  
四錢六分實該額銀一十二萬八千二百六兩  
七錢九分臣部給發過銀六萬五千兩又兌扣  
小池鹽課銀一萬三千二百四十二兩京書庫  
給銀四十七兩兌扣加派新餉銀四萬兩四川  
改解銀一萬二千五百兩共給發扣過銀一十  
三萬七百八十九兩長支銀二千五百八十二  
兩二錢一分應抵元年之數崇禎三年分臣部

發過銀八萬五千五百二十兩四川改解銀  
萬二千五百兩兌扣小池鹽課銀一萬三千  
百四十二兩兌留加派新餉銀一萬五千兩扣  
留裁省節贖銀一千九百四十四兩京書庫給  
銀四十七兩共給發扣抵過銀一十二萬八千  
二百五十三兩長支銀四十六兩二錢一分亦  
抵元年之數通計該鎮三年共止欠銀一萬九  
千七百八十九兩八錢三分而援兵見令借家  
之月糧布花尚未銷筭此元二三年給發京糧

完欠之數也。以上扣抵給發年例俱係實數。數惟川餉一項尚未解至耳。若民運錢糧原以該省京邊抵充該鎮年例以秦餉秦甚爲便捷。無奈坐派地方非稱民貧卽言歲凶維正之供。幾同畫餅。邊鎮之需大類望梅以致積逋之數。不可清積逋之因不可詰直當問之撫按責之藩司查覈具奏而所以逋欠之故當自有不容掩者耳。大都該撫此疏原爲入衛援兵自行措辦糧餉而發。今行糧俱取給臣部月糧或近就

支發原不重煩該鎮之勞畫似又無煩長慮爲  
也既經具題前來相應具覆伏祈

聖明垂鑒施行臣不勝悚息待

命之至

崇禎三年十月二十八日具

題十一月初二日奉

聖旨據奏寧鎮三年京運虧額不及二萬何與外請  
數日相懸太甚川省查照原題催給民運積欠數  
多卽有饑荒地方亦可勘明酌議何得槩置不問

查具奏欽此

題大同巡撫鑄息暫充夷賞疏

題爲雲壤甚狹礦脉甚稀謹據查報情形一一奏  
聞事邊餉司案呈奉本部送戶科抄出大同巡撫張  
宗衡題前事等因本年十月十三日奉

聖旨據奏礦利甚微夷賞不給欲以鼓鑄餘息通融  
東益是否長便該部即與酌覆欽此欽遵於十月  
十四日抄出到部送司案呈到部爲照教漢私  
賞先奉

明旨既所費不多准予礦利中量給俟該督撫查回

議奏欽此欽遵經兵部移咨督撫查議去後

撫臣張宗衡回

奏前來議稱該鎮自開採來漸積幾一年所僅得  
二百一十餘兩諸夷小賞雖難預定多寡然欲  
取足礦利之內萬萬不敷恐致臨時有悞無已  
有鼓鑄之餘息在通融斟酌互相裒益用以濟  
開採之窮而補地利之所不及隨奉有是否長  
便該部即與酌覆之

旨臣等諦思開採以鑄譚理財于今日者必首此兩

端第地利有廣狹而生息有多寡今雲鎮撫賞  
之費因礦脉甚微欲借資鑄息夫鑄息一項臣  
部所賴以充餉者也但礦利無多人力所不能  
爭而夷賞必需封疆又恐有悞若以額外之滋  
息補目前之空乏是亦權宜應急之術也竊念  
息逐本生不得以息去而本或暗虧私賞有限  
更不得以賞開而額漸無底即數目雖難預定  
而裒益自有微權倘于通融中巧爲樽節而借  
以充小賞餌虜之資仍留以充嗣後年例之需

是又臣部所厚望于該撫者該撫諒有同感  
不以臣言爲瑣屑也既經該撫具題前來相應  
覆

請恭候

命下臣部移文各該衙門遵奉施行

崇禎三年十一月初九日具

題本月十二日奉

聖旨鑄息暫充夷貲依議行還着張宗衡嚴核節裁  
不得以通融漸滋耗獎欽此

題請幾南四府協濟按數節省充餉疏

題爲會議已經

宸斷立法務在必行仰祈

聖明申飭中外同心共裕

國用事邊餉司案主崇禎三年十月十四日奉本  
部送戶科抄出巡按直隸監察御史余文燝題  
前事等因本年七月十三日奉

聖旨江浙協濟銀兩歷年積欠數多前時何不查催  
併徵一時乙代甲償寧免偏累併開列各款有無

侵隱該部酌議具覆欽此欽遵抄出到部送司

查先該應天巡撫曹文衡題前事奉

聖旨這奏扣解議款銀兩俟到日照數查收仍定爲  
歲額一體考成該部知道欽此隨該本部逐款查  
明具覆仰遵

明旨即將開報錢糧數目載入考成通行去訖今又  
查直隸巡按余文燭疏報真順廣大四府會議  
款項下部除各項見扣銀兩即當移文催解外  
內江浙積欠協濟南馬銀兩係崇禎元三三年

分未經赦免者合行移催其歷年積欠奉有前  
時何不查催并開列各款有無侵隱之

旨本部難以遙揣相應移文都察院轉行該院一并  
覆查核實再奏案呈到部爲照會議原資助餉  
期於無侵無隱侵則乾沒未除隱則漏洩未塞  
總欲集涓滴以沃焦釜非可以聊具報

命勾銷前件已也今據按臣余文燭疏除班軍并板  
木改折加增榷額

殿工冠帶京東水田寺田起科買稅酌徵搜括雜項

等項俱報按屬通無並停修倉廩原係京通三倉所屬議捐公費已入遼餉雜項議剔冗役已經奉文裁革議釐虛月已經前院清汰訖俱無憑登答隨該臣部行文覆查不開外一增加鹽引據報按屬惟順德府屬沙河縣議加八十引廣宗縣議加一百二十引任縣議加二百引三縣共增四百引臣等覆核順屬三縣共增四百引合自三年爲始應聽巡鹽御史疏通增撥一兩馬協濟據報按屬浙江江西二省協濟真順

二府驛遞工料銀節年拖欠共計二萬八千五百九十四兩零議將此銀聽本部行文二省催提徑解臣等覆核江西省除減免三分外每年應協濟真定府南馬銀二千四百六十三兩四錢零浙江應協濟銀入百六十一兩一錢零自萬曆二十九年起到崇禎元年止江西省共拖欠銀二萬三千一百一十五兩六錢零浙江省共拖欠銀五千四百七十八兩三錢零乃該府不催督於先時而欲併徵於一旦偏累代償誠

有如

聖明所慮者合無移文江西浙江各該撫按先將崇禎元二三年未完正額速行完解刻期到部以充邊餉其天啓七年以前原奉

恩詔赦免者應與蠲除以杜偏累一修衙銀兩據報按屬并陘道該銀五十兩大名道該銀五十六兩六錢零真定府並清軍同知管糧管關通判理刑五廳及定州等三十二州縣共該銀六百二十六兩六錢零順德府并清軍糧馬理刑三

廳及邢臺南和等八縣共該銀一百七十九兩  
六錢零廣平府並清軍糧馬理刑三廳及永年  
等九縣共該銀三百一十八兩六錢零大名府  
并清軍管糧捕河理刑四廳開州等十一州縣  
共該銀三百九十八兩零以上道府各廳州縣  
共該銀一千六百二十九兩四錢零臣等覆核  
此項銀兩見貯在庫自崇禎三年爲始應即速  
解充餉仍將前項錢糧相應分載各府州縣考  
成項下一牙行換帖據報按屬不通江河牙行

抽課甚微真定府酌定認派銀七百五十兩順  
德府認派銀一百二十三兩廣平府認派銀一  
百九十八兩大名府認派銀三百二十七兩通  
共銀一千三百九十八兩該臣等覆核前項銀  
兩爲數雖自無多但真定等府委非商賈輻輳  
之地自崇禎三年起相應責成各府照數速解  
仍應分載各府考成項下一湊解紙贖據報按  
屬除每年春夏積銀已載雜項款內糴買遼糧  
支用外真定府并所屬州縣秋冬積穀共一萬

八百五十石十捐其三該穀三千二百五十五石共折銀一千八十五兩順德府并所屬州縣秋冬積穀共二千七百石十捐其三該穀八百一十石共折銀二百七十兩廣平府并所屬各州縣秋冬積穀二千八百五十石十捐其三該穀八百五十五石共折銀二百八十五兩大名府并所屬州縣秋冬積穀共五千四百五十石十捐其三該穀一千六百三十五石共折銀五百四十五兩以上四府共折銀二千一百八十

五兩臣等覆核無異應自三年爲始各府縣  
支餉仍行各府查明府州縣多寡的數分載入  
各府州縣考成項下一河濱灘蕩據報按屬止  
有廣平府城濠角藕銀每年一百五十兩今歲  
修城已用過一百一十七兩一錢一分六釐尚  
餘銀三十二兩八錢八分四釐相應起解以後  
每年照一百五十兩盡數全解又大名府元城  
縣有漳河退攤地開墾過六頃四十八畝五分  
每畝徵銀三分共銀一十九兩四錢零相應解

入充餉臣等復核得腹裡膏腴或壅淤於橫流  
或委棄於草莽殊爲可惜今據報到城壕退攤  
租利相應行文巡按御史將蕪銀地租共一百  
六十九兩四錢零起解充餉仍分載入各府州  
縣考成項下一吏農班價據報按屬真定府所  
屬州縣每年收納班銀一百二十兩順德府每  
年收納班銀九十一兩三錢零廣平府每年收  
納班銀一百二兩大名府收納班銀七十二兩  
以上四府共班價銀三百八十五兩三錢零

等覆核吏農班價原無定額如其定一府  
班銀止三十兩一經查駁增至一百二十兩  
順廣大三郡差小所報亦頗相等姑免駁查其  
真定等四府見貯班價共銀三百八十五兩三  
錢零應令各府速行起解充餉一清汰虛冒據  
報廣平府查得德州春防營原額邊軍二千五  
百八十四名秋防營原額邊軍二千九百九十  
六名每名每月食糧八斗折銀三錢二分又歲  
該布花銀五錢七分赴防之期造冊赴德州餉

司衙門照名支散今崇禎二年正月內裁革過  
春防營逃故絕軍九百五十二名秋防營逃故  
絕軍五百三十二名其次過月糧布花銀兩俱  
在德州餉司衙門扣存臣等覆核得兩防逃故  
絕軍月糧布花銀兩分文俱額餉也扣於客歲  
之春已踰今年之冬而猶不報何也應劄德州  
餉司備查兩防兩年逃絕軍糧并布花銀數果  
否的確速行解部充餉一生祠變價據報定州  
井陘等州縣應拆生祠各變價不等共銀六百

八兩二錢九分九釐廣平府屬威縣原有生  
三處傾圯堪以共變價銀五十三兩臣等覆核  
無異以上生祠變價共銀六百六十一兩二錢  
零即應解部充餉以上按屬真定等四府所屬  
各該州縣除南馬協濟并逃故絕糧行查不開  
外每年共該解部銀六千四百二十八兩三錢  
零三年分又除用去修城藕銀一百五十兩本  
年止該解銀六千二百七十八兩三錢竊照前  
次會議邊餉二十款各省直之置諸高閣者多

矣今據真定按臣余文燾開報獨詳搜括甚悉  
俾臣部得藉手充餉所謂增一分則受一分之  
賜者也合無一面行文該府并浙江江西各該  
撫按督率各屬先將本年庫貯見銀并元二三  
年備濟真順南馬銀兩即時起解以濟急需惟  
是畿南半壁幅員頗廣人民頗衆如前等項或  
容有可加之額果盡無不涸之藏姑俟續有查  
核不妨再報者也伏乞

皇上俯賜鑒察恭候

命下臣部移文各該衙門遵奉施行

崇禎三年十一月十一日具題本月十四日奉

聖旨據奏畿南四府議款見扣銀兩既經覆核雜項  
責該府節裁責餉司俱着按數速解一體考成其  
江浙協濟南馬銀除赦免外元二三年未完正額  
著嚴催解部毋得仍前拖欠過因軍餉殷煩權宜  
搜括款項欠頒率多寢閣傳細關報止此畿南各  
該撫接急公何在該部還立限去務令逐款詳奏  
通計多寡以佐軍需違者叅處欽此